



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu Programa mjera za utrošak podsticajnih sredstava u oblasti poljoprivrede u 2026. godini na području Grada Zenica broj: 01-45-6055/26 od 12.03.2026. godine, Smjernica o minimalnim standardima dodjele budžetskih sredstava putem transfera i subvencija u FBiH (Službene novine FBiH br 37/24) Grad Zenica, putem Službe za privredu i gradsku imovinu, raspisuje:

JAVNI POZIV

za podnošenje zahtjeva za dodjelu podsticajnih sredstava za proširenje proizvodnje u oblasti poljoprivrede

I PREDMET JAVNOG POZIVA

Predmet Javnog poziva je dodjela bespovratnih finansijskih sredstava za poljoprivredne proizvođače s područja Grada Zenice, koji imaju registrovanu poljoprivrednu djelatnost kao osnovno ili dodatno zanimanje po Zakonu o obrtu i srodnim djelatnostima, za proširenje proizvodnje u oblasti poljoprivrede.

II NAMJENA I IZNOS PODSTICAJNIH SREDSTAVA

Podsticajna sredstva su namijenjena za nabavku životinja, plastenika i sadnog materijala. Ukupan iznos sredstava je **40.000,00 KM**. Podsticajna sredstva po jednom vlasniku obrta iznose maksimalno **4.000,00 KM**.

III PRAVO UČEŠĆA

Pravo na učešće za odobravanje sredstava u proširenju proizvodnje u poljoprivredi imaju fizička lica koja imaju registrovanu poljoprivrednu djelatnost kao osnovno ili dodatno zanimanje po Zakonu o obrtu i srodnim djelatnostima :

- kojima sredstva iz ove vrste podsticaja i podsticaja za refundaciju troškova obaveza doprinosa (PIO, zdravstveno osiguranje i osiguranje od nezaposlenosti) nisu dodijeljena u prethodne tri godine,
- čiji je obrt upisan u Registar poljoprivrednih gazdinstava i Registar klijenata (u daljem tekstu RPG i RK),
- koji se bave jednom od dole navedenih poljoprivrednih proizvodnji, te u istoj proizvodnji posjeduju:

- minimalno 2 muzne krave
- minimalno 5 grla tovnih junadi
- od 50 -100 ovaca
- minimalno 25 koza



- minimalno 5.000 tovnihi pilića
- minimalno 500 koka nosilica
- minimalno 5 rasplodnih krmača
- minimalno 30 tovnihi prasadi
- minimalno 200m² platenika ili staklenika
- minimalno 2 dunuma pod jagodičastim voćem
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).
- maksimalno 100 pčelinjih društava

IV OBAVEZNA DOKUMENTACIJA

Uz zahtjev za podsticaj podnosioci trebaju priložiti sljedeću dokumentaciju:

1. Ovjerenu kopiju Rješenja o registraciji djelatnosti - poljoprivreda (osnovna ili dodatna djelatnost)
2. Uvjerenje da pravni subjekt (farma, obrt, itd) nema neizmirenih obaveza po osnovu poreza i doprinosa za tekuću godinu (orginal ili ovjerena kopija)
3. Ovjerenu izjavu podnosioca zahtjeva da će odobrena novčana sredstva namjenski utrošiti i registrovanu djelatnost održavati minimalno 24 mjeseca
4. Predračun /račun o nabavci (kupovini) izdat na ime registrovanog obrta.
5. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku - Kantonalni ured Zenica)
6. Potvrdu o otvorenom aktivnom računu

V ZAŠTITA LIČNIH PODATAKA

Grad Zenica će lične podatke obrađivati isključivo u svrhu provođenja Javnog poziva, u skladu sa Zakonom o zaštiti ličnih podataka Bosne i Hercegovine.

VI PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija koju će imenovati Gradonačelnik.

Zadatak Komisije je:



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- pregled prispjelih prijava i službena provjera upisa i ažuriranja u Registru poljoprivrednih gazdinstava i Registru klijenata,
- evidentiranje kandidata koji ispunjavaju uslove iz Javnog poziva,
- izrada zapisnika o radu i sačinjavanje preliminarne liste korisnika,
- sačinjavanje konačne liste korisnika.

Preliminarna lista odabranih kandidata se objavljuje na oglasnoj ploči Grada i službenoj web stranici. Na preliminarnu listu, korisnici imaju pravo prigovora u roku 8 dana od dana objave na web stranici Grada koji se podnosi u pisanoj formi Komisiji za rješavanje prigovora po Javnom pozivu putem Službe za privredu i gradsku imovinu. Komisiju iz prethodnog stava ovog člana formira Gradonačelnik na prijedlog Službe za privredu i gradsku imovinu.

Nakon razmatranja prigovora, Komisija sačinjava konačnu listu te istu dostavlja Gradonačelniku na potpis. Grad Zenica će sa odabranim kandidatima zaključiti ugovor o dodjeli sredstava kojim će se regulisati međusobna prava i obaveze. Nepotpune i ne blagovremene prijave se neće uzimati u razmatranje.

NAPOMENA:

Vlasnici poljoprivrednih obrta, koji ostvare pravo na podsticaj u proširenju proizvodnje u oblasti poljoprivrede, ne mogu ostvariti podsticaj za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti).

VII NAČIN I ROK PODNOŠENJA PRIJAVA

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na protokol Grada Zenica ili putem pošte, na adresu:

GRAD ZENICA
Služba za privredu i gradsku imovinu
Komisija za provođenje Javnog poziva
Trg BiH 6, 72000 Zenica
sa naznakom:

„Javni poziv za proširenje proizvodnje u oblasti poljoprivrede - NE OTVARATI“

Rok za predaju prijava je 30 dana od dana objavljivanja Javnog poziva na web stranici Grada Zenica. Prijave dostavljene nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka. Na poledini koverta obavezno naznačiti ime i prezime lica koje podnosi zahtjev, adresu, kontakt telefon i pečat obrta.

Sve dodatne informacije u vezi sa Javnim pozivom se mogu dobiti u Službi za privredu i gradsku imovinu Grada Zenica, na brojeve telefona: 032/447-708 (Senada Sejmenović) i 032/447-706 (Edis Klepo) svakim radnim danom od 07.30 do 16.00 sati.